



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sacros. Concilii Tridentini Canones Et Decreta

Gallemart, Jean

Coloniæ Agrippinæ, 1621

Sessio Dvodecima, Qvæ Est Secvnda Svb Ivlio III. Pont. Maxim. Celebrata
Die Prima Septemb. M. D. LI.

urn:nbn:de:hbz:466:1-39157

SACROSANCTI ŒCUMENICI, ET
GENERALIS CONCILII TRI-
DENTINI,

SESSIO VNDECIMA,

QVÆ EST PRIMA
SVB IVLIO III. PONT. MAXIMO
CELEBRATA KAL. MAII,
M. D. LI.

Decretum de resumendo Concilio.

PLACETNE vobis, ad laudem & gloriam
sanctæ & indiuiduæ Trinitatis, Patris, & Fi-
lij, & Spiritus Sancti ad incrementum &
exaltationem fidei & religionis Christianæ,
sacri œcumenicæ & generale Concilium
Tridentinum, iuxta formam & tenorem litterarum San-
ctissimi Domini nostri, resumere debere, & procedendum
esse ad vltiora? *Responderunt, PLACET.*

Indictio future Sessionis.

PLACETNE vobis, proximam futuram Sessionem ha-
bendam & celebrandam esse in futuris Kalendis Septem-
bris? *Responderunt, PLACET.*

SESSIO DVODECIMA,

QVÆ EST SECUNDA
SVB IVLIO III. PONT. MAXIMO
CELEBRATA DIE PRIMA
SEPTEMB. M. D. LI.

Decretum prorogationis Sessionis.

SAEROSANCTA œcumenica, & generalis Tri-
dentina Synodus, in Spiritu Sancto legitimè con-
gregata, præfidentibus in ea eisdem sanctæ Sedis A-
postolice

apostolica Legato, & Nuncijs, quæ in proximè præterita
 Sessione sequentem hanc hodie habendam, & ad ulterio-
 ra procedendum esse decreuerat, cum ob inclytæ Germa-
 nicæ nationis, cuius præcipuè causa agitur, absentiam, ac
 non magnam cæterorum Patrum frequentiam procedere
 hæcenus distulerit, de Venerabilium in Christo fratrum,
 & filiorum suorum, Moguntini & Treuerensis Archiepi-
 scoporum, ac sacri Romani Imperij Principum Electorū,
 & complurium ipsius aliarumque prouinciarum Episco-
 porum, sub hanc ipsam diem aduentu in Domino exultas
 & dignas ipsi omnipotenti Deo agens gratias, firmamque
 spem coticipiens, quàm plurimos alios tam ipsius Germa-
 nicæ, quàm aliarum nationum Prælatos & sui officij debi-
 to & hoc exemplo commotos, propediem esse venturos,
 futuram Sessionem ad quadragesimam diem, quæ erit vn-
 decima mensis Octobris proximè sequentis, indicit; &
 Concilium ipsum in statu, in quo reperitur, prosequendo,
 cum in præteritis Sessionibus de septem Sacramentis no-
 uæ Legis in genere, & in specie de Baptismate & Confir-
 matione definitum fuerit, statuit & decernit de sanctissi-
 mæ Eucharistiæ Sacramento, necnon, quod ad reforma-
 tionem attinet, de reliquis, quæ ad faciliorem & commo-
 diorem Prælatorum residentiam pertinent, agi & tracta-
 ri debere; ac monet & hortatur omnes Patres, vt interim,
 Domini nostri Iesu Christi exemplo, quantum tamen hu-
 mana fragilitas patietur, ieiunijs & orationibus vacent,
 vt tandem placatus, qui in sæcula sit benedictus, Deus,
 corda hominum ad veræ suæ fidei agnitionem, &
 sanctæ matris Ecclesiæ vnitatem, ac te-
 stè viuendi normam re-
 ducere digne-
 tur.